

四庫全書

子部

欽定四庫全書

子部

御纂醫宗金鑑卷七十二

詳校官太醫院醫士臣程泰

編修臣倉聖脈覆勘

總校官中書臣朱鈴

校對官中書臣宋枋遠

謄錄舉人臣孫炯

繪圖監生臣戴禹汲

欽定四庫全書

御纂醫宗金鑑卷七十二

編輯外科心法要訣目錄

發無定處

上

疔瘡

流注

癭瘤

多骨疽

結核

痼發

瘰癧

烏白癩

御纂醫宗金鑑卷七十二目錄

欽定四庫全書

御纂醫宗金鑑卷七十二

編輯外科心法要訣

疔 瘡 圖



發無定處

疔瘡

五藏皆可發疔瘡現於形體細考詳若論陰陽分上下

欲知經藏辨何方

疔名火焰發心經往往生於脣指中心作煩時神恍惚

痛兼麻癢皰黃紅

毒發肝經名紫燕此患多於筋骨見破流血水爛串筋

指青舌強神昏亂

黃鼓由於脾發毒多生口角與顴骨胞黃光潤紅色纏
麻癢硬殭兼嘔吐

毒發肺經名白刃白胞頂硬根突峻易腐易陷多損腮
咳吐痰涎氣急甚

從來黑靨發腎經黑斑紫胞硬如釘為毒極甚疼牽骨
驚悸沉昏目露睛

以上五疔應五藏又有紅絲疔一樣初如小瘡漸發紅
最忌紅絲攻心上

凡治疔證貴乎早三陰三陽更宜曉在下宜灸上宜鍼
速醫即愈緩難保

註

此數證俱名曰疔蓋疔者如丁釘之狀其形小其
根深隨處可生由恣食厚味或中蛇蠱之毒或中
疫死牛馬豬羊之毒或受四時不正疫氣致生是
證夫疔瘡者乃火證也迅速之病有朝發夕死隨
發隨死三五日不死一月半月亦必死此係藏府
之乖逆性情之激變節候之寒溫肅殺且毒中有

淺深也若一時失治立判存亡有名為火焰疔者
多生於脣口及手掌指節間初生一點紅黃小皰
痛癢麻木甚則寒熱交作煩躁舌強言語疎忽此
屬心經毒火而成也有名為紫燕疔者多生於手
足腰肋筋骨之間初生便作紫皰次日破流血水
三日後串筋爛骨甚則目紅甲青邪視神昏睡語
驚惕此屬肝經毒火而成也有名為黃鼓疔者初
生黃皰光亮明潤四畔紅色纏繞多生口角腮顴

眼胞上下及太陽正面之處發時便作麻癢重則惡心嘔吐肢體木痛寒熱交作煩渴乾噦此屬脾經毒火而成也有名為白刃疔者初生白皰頂硬根突破流脂水癢痛無作多生鼻孔兩手易腐易陷重則腮損咽焦欬吐痰涎鼻掀氣急此屬肺經毒火而成也有名為黑靨疔者多生耳竅牙縫胸腹腰腎偏僻之處初生黑斑紫皰毒串皮膚漸攻肌肉頑硬如丁痛徹骨髓重則手足青紫驚悸沉

困輒陷孔深目睛透露此屬腎經毒火而成也以
上五疔本於五藏而生又有紅絲疔發於手掌及
骨節間初起形似小瘡漸發紅絲上攻手膊令人
寒熱往來甚則惡心嘔吐治遲者紅絲攻心常能
壞人又有暗疔未發而腋下先堅腫無頭次腫陰
囊辜丸突兀如筋頭令人寒熱拘急焮熱疼痛又
有內疔先發寒熱腹痛數日間忽然腫起一塊如
積者是也又有羊毛疔身發寒熱狀類傷寒但前

心後心有紅點又如疹形視其斑點色紫黑者為
老色淡紅者為嫩以上諸證初起俱宜服蟾酥丸
汗之毒勢不盡憎寒壯熱仍作者宜服五味消毒
飲汗之如發熱口渴便閉脈沉實者邪在裏也宜
服黃連解毒湯加生大黃一錢五分蔥頭五個清
之凡證輕者宜服化疔內消散若疔毒將欲走黃
急服疔毒復生湯已走黃者令人心煩昏憤急用
七星劍湯以救之若手足冷六脈暴絕者係毒氣

閉塞元氣不能宣通先宜蟾酥丸隨服木香流氣
飲行氣其脈自見若疔毒誤灸煩躁譫語者乃逼
毒內攻也宜服解毒大青湯若潰後餘毒未盡五
心煩熱者宜服人參清神湯鍼後出膿之時氣虛
驚悸者宜服內托安神散若攻利太過以致發渴
六脈虛大者宜服補中益氣湯若發汗之後汗不
止熱不退瘡不疼便不利者此屬裏虛宜服八珍
湯加黃耆麥冬治之凡疔潰後不宜補早雖見真

虛只可平補忌用溫補之藥外治用藥鍼灸亦當
循其次第書云疔瘡先刺血內毒宜汗瀉禁灸不
禁鍼怕絲不怕鐵初覺貴乎早治十證十全稍遲
者十全五六失治者十壞八九初發項以上者三
陽受毒必用鈹鍼刺入瘡心四五分挑斷疔根令
出惡血隨用立馬回疔丹或蟾酥條插入孔內外
以巴膏蓋之如項以下生者三陰受毒即當灸灸
以殺其勢灸之不痛亦須鍼刺出血揷蟾酥條旁

腫以離宮錠塗之如旁腫頑硬推之不動用鍼亂刺頑硬之處令多出惡血否則必致走黃挑法先用鍼幹將毒頂焦皮刮開鍼入疔根堅硬如鐵者為順若鍼刺入絛軟如瓜穰而不知痛者為逆百無一生凡挑疔根先出紫黑血再挑刺至鮮血出以知痛為止隨填拔疔散令滿以萬應膏蓋之過三四時撥去舊藥易以新藥若藥乾無水不痛者此挑法未斷疔根也再深挑之必以上藥知痛藥

入水流為率三四日後瘡頂乾燥以琥珀膏貼之
令疔根托出換九一丹撒之黃連膏抹之外蓋白
膏藥生肌斂口若初起失治或房勞夢遺損氣以
致毒氣內攻走黃不住者其瘡必塌陷急當隨走
黃處按經找尋有一芒刺直豎即是疔苗急當用
鐵鍼刺出惡血即在刺處用艾壯灸三壯以宣餘
毒若身面漫腫神昏悶亂乾嘔心煩作渴遍身起
庖抽搐者俱為逆證惟紅絲疔於初起時急用磁

鍼於紅絲盡處砭斷出血尋至初起瘡上挑破即用蟾酥條插入萬應膏蓋之隨服黃連解毒湯再暗內二疔不用挑法先以蟾酥丸含化令盡以冷水漱去毒涎再用三九嚼葱白三寸裹藥黃酒送下蓋卧出汗少時無汗再飲熱酒催之仍無汗係毒熱滯結急用霹靂火法令汗出毒熱隨之而解次用雙解貴金丸下之自效若暗內二疔初起牙關緊急者用蟾酥丸三五粒葱頭煎湯研化灌之

俟稍甦治法如前至羊毛疔先將紫黑斑點用衣
鍼挑出如羊毛狀前後心共挑數處用黑豆蕎麥
研粉塗之即時汗出而愈一法用明雄黃末二錢
青布包紮蘸熱燒酒於前心擦之自外圈入內其
毛即奔至後心再於後心擦之其羊毛俱拔出於
布上埋之忌茶水一日再諸疔部位形色亦有急
緩生於頭項胸背者最急生於手足骨節之間者
稍緩一疔之外別生一小瘡名曰應候四圍赤腫

而不散漫者名曰護場四旁多生小瘡者名曰滿天星有此者緩無此者急疔證初起至四五日間由白色而至青紫色疔頭潰膿形似蜂窩內無七惡等證者為順若初起似疔非疔灰色頂陷如魚臍如蠶斑青紫黑皸輒陷無膿內見七惡等證者逆凡疔毒俱由火毒而生忌服辛熱之藥恐反助其邪也忌敷寒涼之藥恐逼毒攻裏也再膏藥不宜早貼惟在將潰已潰時貼之呼膿長肉以避風

寒初潰時忌用生肌藥恐毒未除反增潰爛生項
以上者屬三陽經不宜灸若火日生疔亦禁灸犯
之或為倒陷或至走黃俱忌椒酒雞魚海味鷄肉
豬首辛辣生冷等物氣怒房勞諸香並孝服經婦
僧道雞犬等項犯之必致反覆慎之

蟾酥丸

蟾酥

二錢
酒化

輕粉

銅綠

枯礬

寒水石

煨

膽礬

乳香

沒藥

麝香

各一錢

硃砂

三錢

雄黃

二錢

蝸牛

二十一箇

以上各為末稱準於端午日午時在淨室中先將
蝸牛研爛同蟾酥和研稠黏方入各藥共搗極勻
丸如綠豆大每服三丸用葱白五寸令患者嚼爛
吐於手心內男用左手女用右手將藥丸裹入葱

泥內用無灰熱酒一茶鍾送下被蓋約人行五六里路病者出汗為度甚者再用一服如外用之法搓條作餅隨證用之修合時忌婦人雞犬等見之

方歌

蟾酥九治諸疔毒初起惡瘡皆可逐外用化腐又消堅內服驅毒發汗速硃砂輕粉麝雄黃銅綠枯

礬寒水入膽礬乳沒共蝸牛丸如綠豆蔥酒服

五味消毒飲

金銀花

三錢

野菊花

蒲公英

紫花地丁

紫背天葵子

各一錢二分

水二鍾煎八分加無灰酒半鍾再滾二三沸時熱服渣如法再煎服被蓋出汗為度

方歌

五味消毒療諸疔銀花野菊蒲公英紫花地丁天葵子煎加酒服發汗靈

化疔內消散

知母

貝母

去心研

穿山甲

炙研

蚤休

白及

乳香

天花粉

皂刺

金銀花

當歸

赤芍

甘草

各一錢生

酒水各一鍾煎一鍾去渣量病上下服之

方歌化疔內消知貝甲蚤休及乳草天花皂刺銀花歸

芍酒疔證毒輕服更嘉

疔毒復生湯

金銀花

梔子

生研

地骨皮

牛蒡子

炒研

連翹

去心

木通

牡蠣

煨

生軍

皂刺

天花粉

沒藥

乳香

各八分

酒水各一鍾煎一鍾食遠服不能飲者只用水煎

臨服入酒一盃和服亦效

脈實便秘者加朴消

方歌

疔毒復生欲走黃頭面腫浮毒內傷銀梳骨旁翹

通蠟軍刺天花沒乳香

七星劍

蒼耳頭

野菊花

豨薟草

地丁香

半枝連

各三錢

蚤休

二錢

麻黃 一錢

用好酒一觔煎至一盃澄去渣熱服被蓋出汗為度

方歌 七星劍嘔熱兼寒疔毒走黃昏憤添麻黃蒼耳菊

稀簽地丁香蚤半枝連

木香流氣飲

當歸

白芍 酒炒

川芎

紫蘇

桔梗

枳實

麩炒

烏藥

陳皮

半夏

製

白茯苓

黃耆

防風

青皮

各一錢

大腹皮

檳榔

枳殼

麩炒

澤瀉

甘草節

木香

各五分
末

生薑三片紅棗肉二枚水煎服

下部加牛膝

方歌

木香流氣宣氣滯歸芍芎蘇桔枳實烏藥二陳耆

大腹風榔青枳瀉煎之

解毒大青湯

大青葉

木通

麥門冬

去心

人中黃

梔子

生研

桔梗

元參

知母

升麻

淡竹葉

石膏

煨 各一錢

水二鍾燈心二十根煎八分食遠服

大便秘加大黃

悶亂加燒人糞

方歌解毒大青通麥門中黃梔子桔元參知升竹葉石

膏煨疔瘡誤灸毒內侵

人參清神湯

人參

陳皮

白茯苓

地骨皮

麥門冬

去心

當歸

白朮

土炒

黃耆

遠志

各一錢
去心

柴胡

黃連

甘草

各五分
炙

水二鍾粳米一撮煎八分食遠服

方歌
人參清神疔毒潰陳苓地骨麥冬歸朮耆柴遠黃

連草益氣除煩熱可推

內托安神散

人參

麥門冬

去心

茯神

黃耆

白朮

土炒

元參

陳皮

各一錢

石菖蒲

甘草

炙

酸棗仁

炒研

遠志

去心

五味子

各五分
研

水二鍾煎八分臨服入硃砂末三分和勻食遠服

方歌

內托安神多驚悸疔瘡鍼後元氣虛參麥茯菖耆

木草元參棗遠味陳皮

立馬回疔丹

輕粉

蟾酥

酒化

白丁香

硃砂

各一錢

乳香

六分

雄黃

硃砂

麝香 各三分

蜈蚣

一條

金頂砒

五分

註末卷

共爲細末麵糊搓如麥子大凡遇疔瘡以鍼挑破
用一粒插入孔內外以膏蓋追出膿血疔根爲效
方歌立馬回疔輕蟾酥白丁香乳麝雄硃硃蜈蚣金頂砒
研末疔瘡用此根自除

九一丹

石膏

九錢

黃靈藥

一錢

共研極細撒於患處

方歌九一丹醫疔破後根除用此把膿搜煨石膏對黃

靈藥清熱生肌患自瘳

霹靂火

鷺卵石燒紅安鐵杓內杓安桶內以醋淬石令患者
將患處覆桶上厚衣密蓋勿令洩氣熱氣微再添紅
石加醋淬之瘡頭及腫處使熱氣熏蒸至汗出其毒
減半

黃連解毒湯

見耳部
黑疔

補中益氣湯

八珍湯

巴膏

萬應膏

白膏藥

黃靈藥

俱見潰
瘍門

離宮錠

雙解貴金丸

俱見腫
瘍門

拔疔散

見牙齒
部牙疔

琥珀膏

見頭部
髮際瘡

黃連膏

見鼻部
鼻瘡

流注圖

流注發無定處漫腫不紅連棹三四處



流注

流注原有證數般濕痰癰風汗後寒發無定處連腫漫潰近骨節治難痊此證本由脾胃弱留結肌肉骨筋間

註

此證名雖無殊其原各異蓋人之血氣每日週身流行自無停息或因濕痰或因癰血或因風濕或因傷寒汗後餘毒或因慾後受寒稽留於肌肉之中致令氣血不行故名流注諸家書云流者流行注者住也發無定處隨在可生初發漫腫無頭皮

色不變凝結日久微熱漸痛透紅一點方是膿熟
即宜用鍼開破若濕痰化成者膿色黏白瘀血化
成者膿色金黃黏水風濕化成者膿色稀白如豆
汁汗後餘邪化成者膿色或黃或黑稀膿臭穢以
上四證發在肉厚處可愈發在骨節及骨空處難
痊淫慾受寒化成者膿色稀白而腥其水中有豬
脂水油之狀此為敗漿膿也諸書雖有治法終成
敗證初起濕痰所中者木香流氣飲導之產後瘀

血所中者通經導滯湯通活之跌撲傷損瘀血所
中者宜散瘀葛根湯逐之風濕所中者萬靈丹五
積散加附子溫散之汗後餘邪發腫者人參敗毒
散散之房慾後外寒侵襲者初宜服五積散加附
子次服附子八物湯溫之又有室女孀婦鬱怒傷
肝思慮傷脾而成者宜服歸脾湯加香附青皮散
之此皆流注初起將成之法一服至三四服皆可
外俱用烏龍膏或沖和膏敷貼皮肉不熱者雷火

神鍼鍼之輕者即消重者其勢必潰將潰時俱宜服托裏透膿湯已潰俱服人參養榮湯久潰膿水清稀飲食減少不能生肌收斂者俱宜服調中大成湯久潰膿水清稀精神怯少漸成漏證者俱宜服先天大造丸潰後其餘治法俱按癰疽潰瘍門參考

通經導滯湯

當歸

熟地

赤芍

川芎

枳殼

麩炒

紫蘇

香附

陳皮

丹皮

紅花

牛膝

各一錢

獨活

甘草

各五分

水二鍾煎八分入酒一杯食前服

方歌通經導滯產後疾敗血流瘀腫痛積四物枳蘇香

附陳丹皮獨草紅花膝

散瘀葛根湯

葛根

川芎

半夏

製

桔梗

防風

羌活

升麻

各八分

細辛

甘草

生

香附

紅花

蘇葉

白芷 各六分

水二鍾葱三根薑三片煎八分不拘時服

方歌散瘀葛根瘀血凝皆因跌撲流注成芎半桔風羌

細草香附紅花蘇芷升

附子八物湯

附子 製

人參

白朮

土炒

白茯苓

當歸

熟地

川芎

白芍

各一錢
酒炒

木香

肉桂

甘草

各五分
炙

水二鍾薑三片紅棗肉一枚煎八分食遠服

方歌

附子八物醫流注房慾傷陰外寒入木香肉桂八

珍湯薑棗水煎食遠服

調中大成湯

人參 二錢

白朮

土炒

白茯苓

黃耆

山藥

炒

丹皮

當歸身

白芍

酒炒

陳皮

各一錢

肉桂

附子

各八分
製

遠志

去心

藿香

縮砂仁

甘草

各五分
炙

水二鍾煨薑三片紅棗肉二枚煎八分食遠服

方歌
調中大成四君者山藥丹皮歸芍宜遠藿縮砂陳

桂附能醫流注潰膿稀

木香流氣飲

見疔瘡門

萬靈丹

烏龍膏

冲和膏

俱見腫瘍門

五積散

見內癰部腎癰

人參敗毒散

即荆防敗毒散減去荆防見頂部腦疽

歸脾湯

見乳部乳中結核

雷火神鍼

見股部附骨疽

托裏透膿湯

見頭部侵腦疽

人參養榮湯

見潰瘍門

先天大造丸

見腎部鵲口疽

癭瘤

五癭屬陽六瘤陰癭別血氣肉石筋瘤氣血肉脂筋骨
惟脂開潰不傷身癭蒂細小紅不緊瘤根漫大亮白新
證由內外嵐水氣療治須當戒怒嗔

註

癭瘤二證發於皮膚血肉筋骨之處癭者如纓絡
之狀瘤者隨氣留住故有是名也多外因六邪榮
衛氣血凝鬱內因七情憂恚怒氣濕痰瘀滯山嵐
水氣而成皆不痛癢癭證屬陽色紅而高突皮寬

不急蒂小而下垂瘤證屬陰色白而漫腫皮嫩而光亮頂小而根大瘰有五種肉色不變者爲肉瘰其筋脈現露者名筋瘰若赤脈交絡者名血瘰隨喜怒消長者名氣瘰堅硬推之不移者名石瘰五瘰皆不可破破則膿血崩潰多致傷生瘤有六種堅硬紫色累累青筋盤曲若蚯蚓狀者名筋瘤又名石瘤微紫微紅軟硬間雜皮膚中隱隱若紅絲糾纏時時牽痛誤有觸破而血流不止者名血瘤

或軟如綿或硬如饅皮色如常不緊不寬始終只似覆肝名肉瘤軟而不堅皮色如常隨喜怒消長無寒無熱者名氣瘤日久化膿流出又名膿瘤也形色紫黑堅硬如石疣瘡疊起推之不移昂昂堅貼於骨者名骨瘤軟而不硬皮色淡紅者名脂瘤即粉瘤也六瘤之形色如此凡癭多生於肩項兩頤瘤則隨處有之夫肝統筋怒氣動肝則火盛血燥致生筋癭筋瘤宜清肝解鬱養血舒筋清肝蘆

蒼丸主之心主血暴戾太甚則火旺逼血沸騰復
被外邪所搏致生血癭血瘤宜養血涼血抑火滋
陰安斂心神調和血脈芩連二母丸主之脾主肌
肉鬱結傷脾肌肉澆薄土氣不行逆於肉裏致生
肉癭肉瘤宜理脾寬中疏通戊土開鬱行痰調理
飲食加味歸脾丸主之肺主氣勞傷元氣膝裏不
密外寒搏之致生氣癭氣瘤宜清肺氣調經脈理
勞傷和榮衛通氣散堅丸主之腎主骨恣慾傷腎

腎火鬱遏骨無榮養致生石癭骨瘤石癭海藻玉
壺湯主之骨瘤尤宜補腎散堅行瘀利竅調元腎
氣丸主之癭瘤諸證用藥緩緩消磨自然縮小若
久而膿血崩潰滲漏不已者皆為逆證不可輕用
刀鍼決破以致出血不止立見危殆惟粉瘤可破
其色粉紅多生耳項前後亦有生於下體者全係
痰凝氣結而成治宜鉗鉗破去脂粉以白降丹搮
子揷入數次將內膜化淨用生肌玉紅膏貼之自

愈又有一種黑砂瘤多生臀腿腫突大小不一以
手撮起內有黑色即是亦用鍼刺出黑砂有聲輒
硬不一又有髮瘤多生耳後髮下寸許輒小高突
按之不痛亦用鍼刺之粉髮齊出又有虱瘤發後
其癢徹骨開破出虱無數內有極大一虱出其虱
方盡黑砂髮虱三瘤外治皆同粉瘤之法其口方
收又有蟲瘤每生脇下治法當按癰疽腫瘍潰瘍
門但本憂思化成每難獲效諸證形狀各異皆五

臟濕熱邪火濁瘀各有所感而成總非正氣之所

化也

清肝蘆薈丸

當歸

生地

酒浸搗膏

白芍

酒炒

川芎

各二兩

黃連

青皮

海粉

牙皂

甘草節

昆布

酒洗

蘆薈

各五錢

右爲細末神麴糊丸如梧桐子大每服八十丸白滾水量病上下食前後服之

方歌清肝蘆薈怒傷肝筋結癭瘤血燥原四物黃連青

海粉牙皂甘昆麴糊丸

連二母丸

黃芩

黃連

知母

貝母

去心

當歸

白芍

酒炒

羚羊角

鎊

生地

熟地

蒲黃

地骨皮

川芎

各一兩

甘草

生五錢

右爲末側栢葉煎湯打寒食麪糊爲丸如梧桐子
大每服七十九燈心煎湯送下

歌方
苓連二母血瘤瘰血沸寒凝微紫紅歸芍羚羊生

熟地蒲黃地骨草川芎

加味歸脾丸

香附

人參

酸棗仁

炒

遠志

去心

當歸

黃耆

烏藥

陳皮

茯神

白朮

土炒

貝母

各一兩
去心

木香

甘草

各三錢
炙

右爲細末合歡樹根皮四兩煎湯煮老米糊爲丸
如梧桐子大每服六十九食遠白滾水送下

方歌

加味歸脾香附參棗遠歸耆烏藥陳茯神朮草木
香貝消癭除瘤脾鬱伸

通氣散堅丸

人參

桔梗

川芎

當歸

花粉

黃芩

酒炒

枳實

麩炒

陳皮

半夏

製

白茯苓

膽星

貝母

去心

海藻

洗

香附

石菖蒲

甘草

生 各一兩

右爲細末荷葉煎湯爲丸如豌豆大每服一錢食
遠燈心生薑煎湯送下

方歌
通氣散堅氣癭瘤參桔芎歸花粉投苓枳二陳星

貝藻香附石菖患漸瘳

海藻玉壺湯

海藻

洗

陳皮

貝母

去心

連翹

去心

昆布

半夏

製

青皮

獨活

川芎

當歸

甘草

各一錢
節

海帶

五分
洗

水二鍾煎八分量病上下食前後服之

方歌

海藻玉壺湯石癭陳貝連翹昆半青獨活芎歸甘

海帶化硬消堅最有靈

調元腎氣丸

生地

四兩
酒煮搗膏

山萸肉

山藥

炒

丹皮

白茯苓

各二兩

澤瀉

麥冬

去心搗膏

人參

當歸身

龍骨

煨

地骨皮

各一兩

知母

童便炒

黃蘗

各五錢
鹽水炒

縮砂仁

炒

木香

各三錢

共研細末鹿角膠四兩老酒化稠加蜂蜜四兩同煎滴水成珠和藥為丸如梧桐子大每服八十九空心溫酒送下忌蘿蔔火酒房事

方歌調元腎氣縮砂仁六味地黃知麥參歸藥木香龍

地骨骨瘤服此又滋陰


白降丹

生肌玉龍膏

俱見潰瘍門

多骨疽圖

多骨疽發在眼角腮齒手足腿脛等處



多骨疽

多骨疽由腎虛源瘡久腫潰復受寒落草患此胎元結
名爲骨脹治一般

註

此證一名剩骨一名朽骨無論老少皆有生者多
在腮腭牙床眼胞頰下手足腿膊等處有因腎虛
之人生瘡久潰腫硬不退口不收斂外被寒邪襲
入與膿毒凝結借人之氣血化成多骨者又有初
生落草身肉之中按之有如脆骨由胎元受之精

血交錯而致迨其人長大後必於脆骨所生之處突然發腫生疽及潰破後多骨脫出其口方收有多骨出之不休者名曰骨脹難愈以上二因治法皆同俱宜隔附子餅灸以宣寒凝令骨速脫蓋骨屬腎遇寒則凝故從熱治也若朽骨內含或出臭膿或出涎泡宜撒黃靈藥陀僧膏蓋貼令朽骨出盡其口始易斂也腎虛微寒者服六味地黃丸虛而寒甚者桂附地黃丸常服可愈由胎元結成

者稟賦身虛不可強取多骨候自破則取之

附子餅灸法

見首卷灸法

黃靈藥

陀僧膏

俱見潰瘍門

六味地黃丸

見面部雀斑

桂附地黃丸

見面部頰瘍

結核圖

結核生在皮裏肉外形如果核



結核

結核即同果核形皮裏膜外結凝成或由風火氣鬱致或因怒火濕痰生

註

此證生於皮裏膜外結如果核堅而不痛由風火氣鬱結聚而生初發令人寒熱往來有表證者荊防敗毒散解之表既解即服連翹消毒飲若濕痰氣鬱凝結者宜行氣化痰以五香流氣飲千金指迷丸辛涼之藥治之其核自消若誤投苦寒之劑

必至潰破或服之而反甚者其勢將潰不可強消
以耗其氣宜用透膿散潰而不愈者屬氣虛宜用
補中益氣湯平補之外治按癰疽腫瘍潰瘍門

千金指迷丸

半夏

四兩製

白茯苓

枳殼

各三兩
麩炒

風化硝

三錢

共研爲末河水煮糊爲丸如梧桐子大每服二錢

白滾水送下

方歌

千金指迷丸半夏茯苓枳殼消同研河水煮糊作

成丸消堅去核結痰化

荊防敗毒散

見項部
腦疽

連翹消毒飲

見背部
酒毒發

五香流氣飲

見脛部
黃
鯁癰

透膿散

見腫
瘍門

補中益氣湯


見潰
瘍門

痼

發

圖

痼發多生在伸縮動處漫腫淡紅



痼發

痼發皆由外感生伸縮動處每成形漫腫無頭寒熱作
四肢沉重渴煩增

註

此證體虛之人感受天地不正之厲氣而生非由
內作也多生於手足掌心或腰腿臀下伸縮動處
疼如痛風而兼漫腫無頭其色淡紅增寒發熱四
肢沉重煩渴初起宜服萬靈丹發汗解表腫仍不
消必欲作膿者宜托裏消毒散兼琥珀蠟礬丸間

服已潰者按癰疽潰瘍門治法

萬靈丹

托裏消毒散

琥珀蠟礬丸

俱見腫瘍門


--	--	--	--	--	--	--	--

療

疽

圖

療疽初起紅點次腫如梅李色黑



瘰癧

瘰癧本由烟瘴起小如粟豆大梅李初發紅點次變黑腐爛筋骨疼無已

註此證一名蛇瘴川廣烟瘴地面有之初起紅點次

變黑色其形小者如粟豆大者如梅李隨處可生疼痛應心不止腐爛筋骨潰破膿如豆汁今日拭淨次日膿汁復滿愈而復發初起宜貼蟾酥餅寒熱交作宜服黍米寸金丹或奪命丹亦可紅腫遊

走不定者離宮錠塗之兼神燈照熏照之破後脾
虛食少作嘔者補中益氣湯加黃連麥冬補而不
應或出稀水穢汁者逆

蟾酥餅

見疔瘡

黍米寸金丹

離宮錠

俱見腫瘍門

奪命丹

見背部陰陽二氣疽

補中益氣湯

見潰瘍門

神燈照法

見首卷

烏 白 癩 圖

白癩發在偏身皮毛白癰上起若癰疹



烏癩發在偏身皮毛變黑上起若癰疹

烏白癩

烏白癩由中惡風犯觸忌害亦能成麻癢徹骨刺不痛
除風養血即收功

註

此二證俱由惡風侵襲皮膚血分之間火鬱耗血
及犯觸忌害而成有烏白二種烏者初覺皮毛變
黑發若癰疹癢若蟲行手足頑麻鍼刺不痛目視
物若垂絲心常驚而妄語凡飲食言語之時開口
出氣而鳴宜服蝟皮丸外擦大黑神膏白癩皮色

漸變白斑語聲嘶啞目視不明四肢頑疼身體大
熱心常懊惱手脚緩縱背脊拘急肉如鍼刺鼻生
息肉瞳生白沫宜服白花蛇散外擦蟹螯膏二證
俱常飲苦參酒白癩便秘者先宜服醉仙散次服
通天再造散利下惡物即效

蝟皮丸

蝟皮

燒存性

蚺蛇頭

燒存性

魁蛤

各一枚

紅娘子

去頭足翅

蟻螯

焙乾

蜜蟲

去頭足翅

水蛭

糯米炒熟

蜘蛛

焙

蟹螯

各三個
去頭足翅

桂心

大黃

黃連

龍骨

煨研

麝香

研

汞

即水銀

川椒

各五錢
炒

芒消

石膏

各一兩
煨

穿山甲

三片
炙

枯白礬

滑石

研水飛

甘遂

各二錢五分
與胡麻同炒

以胡麻熟爲度去麻用甘遂

蜈蚣

一條半
炙

附子

二枚
泡去皮臍

巴豆

去皮膜心油

雷丸

各五十粒

右爲細末煉蜜爲丸如小豆大每服一九滾白水
送下空心臨卧各一服如未覺每服加一九如莖
中痛即有蟲下細觀形狀皆死矣痛多減一九痛
少服二九以瘥爲度此藥乃攻毒取蟲之峻劑非

灼知藏府有蟲毒及精神可勝攻下者不可輕服

方歌

蝟皮膚黑成烏癩心驚視物若垂毫癢似蟲行手

足痺紅娘魁蛤汞礬螬蚘桂消黃蛭蛭甲黃連龍
骨麝蜘蛛膏川椒滑附蜈巴豆雷丸甘遂共蟹螯

大黑神膏

頭髮

雞子大一團

川芎

黃連

黃蘗

防已

去皮

川烏

升麻

藜蘆 各五錢

巴豆

杏仁 各十四粒

用豬脂油二觔將藥燂至頭髮化盡為度撈去渣
再用雌黃雄黃白礬鉛粉各五錢松脂一塊如雞
子大同研末入油內攪勻先以熱鹽湯洗淨患處
次擦藥日三次勿令入口

方歌 大黑神膏烏癩塗髮芎連藥已川烏雌雄巴豆礬

松脂鉛粉升麻杏藜蘆

白花蛇散

白花蛇

酒浸炙

槐子

天麻

枳殼

麩炒

蔓荊子

防風

羌活

威靈仙

白鮮皮

晚蠶蛾

各一兩
去頭足翅

甘草

五錢
炙

共研細末每服二錢溫酒調下不拘時日用二服

方歌

白花蛇散體多熱刺痛聲嘶白癩疔槐子天麻鮮

枳蔓風羌威草晚蠶蛾

般螫膏

盤螫

十四枚

大蝮蛇

一條
頭尾全者晒乾

黃酒七盃同藥入瓶內用糠火煨酒至一盃濾去渣收貯每用薄薄塗於患上

方歌

盤螫膏搽白癩風蝮蛇黃酒入瓶中糠火煨酒取

塗患以毒攻惡癩自平

苦參酒

苦參

五觔

露蜂房

五兩

刺蝟皮

一具
酥炙

共研粗末用水三斗煎湯至一斗去渣浸麴五
觔炊黍米三斗拌如常醞法酒熟壓去糟每於食
煎溫飲一小盞

方歌


苦參酒治烏白癩露蜂房與刺蝟皮煎湯浸麴炊

黍米釀酒飲之惡疾離

醉仙散

通天再造散

俱見大麻風



御纂醫宗金鑑卷七十二

欽定四庫全書

子部

御纂醫宗金鑑卷七十三

詳校官太醫院醫士_臣程泰

編修臣倉聖脈覆勘

總校官中書_臣朱鈐

校對官中書_臣宋枋遠

謄錄舉人_臣孫炯

繪圖監生_臣孫大儒

欽定四庫全書

御纂醫宗金鑑卷七十三

編輯外科心法要訣目錄

發無定處

中

大麻風

楊梅瘡

楊梅結毒

赤白遊風

紫白癰風

白駁風

癰瘍風

丹毒

粟瘡作癢

枯筋箭


御纂醫宗金鑑卷七十三目錄

欽定四庫全書

御纂醫宗金鑑卷七十三

編輯外科心法要訣

大麻風圖



大麻風發在偏身麻木生白屑皮龜起紅斑鬚眉脫落

大麻風

麻風總屬毒癘成其因有三五損風五死證見真惡候
初病能守或可生

註

此證古名癘風癘風者有毒之風也經云蚺風成
為癘又云癘者有營氣熱腐其氣不清故使其鼻
柱壞而色敗皮膚瘍潰毒風客於蚺而不去名曰
癘風今人呼為大麻風一因風土所生中國少有
此證惟烟瘴地面多有之一因傳染或遇生麻風

之人或父母夫妻家人遞相傳染或在外不謹或糞坑房室床鋪衣被不潔一因自不調攝洗浴乘涼希圖快意或露卧當風睡眠濕地毒風襲入血脈其因名雖有三總屬天地癘氣感受不覺未經發泄積久而發徧身麻木次起白屑紅斑蔓延如癰形若蛇皮脫落成片始發之時自上而下者順自下而上者逆漸來可治頓發難醫風毒入裏化生為蟲蟲蝕五臟則形有五損肺受病先落眉毛

肝受病面起紫胞腎受病脚底先穿脾受病偏身
如癰心受病先損其目此為險證又有五死證如
麻木不仁者為皮死割切不痛者為肉死潰爛無
膿者為血死手足脫落者為筋死鼻梁崩塌眼弦
斷裂脣翻聲啞者為骨死若五死見一即為敗惡
不治之候也此證初覺即服萬靈丹汗之次宜神
應消風散追風散磨風丸次第服之牙齦出血用
黃連貫衆等分煎湯漱之外搽類聚祛風散兼用

地骨皮荊芥苦參細辛各二兩河水煎湯浸浴熏
洗若遇損敗之證在上部則服醉仙散在下部則
服通天再造散若鼻梁塌壞用換肌散服之患者
稍露虛象即以補氣瀉榮湯服之兼用何首烏酒
飲之若能清心寡慾戒口早治或有可生若口味
不能清淡色慾不能斷絕即愈後仍不免再發終
於不救

神應消風散

全蝎

白芷

人參

各一兩

右研細末每用二錢勿食晚飯次日空心溫酒調服覺身微躁為效

方歌神應消風散癘風身麻白屑起斑紅蠟芷人參各

一兩空心酒服麻木平

追風散

錦紋大黃

六兩

川鬱金

炒一兩八錢

皂角刺

一兩五錢

共研細末每用五錢加大風子油一錢五分朴消
一錢五更空心溫酒調服直待辰時又如前調藥
加熟蜜少許服之以蜜解口切不可卧良久痛瀉
數次不妨以稀粥補之如第一日服消風散第二
日即服此藥第三日服磨風丸周而復始又如此
服之瘦弱者十日內追風散只用一服老弱者勿
服

方歌追風散用川鬱金皂刺大黃研末勻初服消風次

用此風油消酒調服神

磨風丸

豨薟草

牛蒡子

炒

麻黃

蒼耳草

細辛

川芎

當歸

荊芥

蔓荊子

防風

車前子

威靈仙

天麻

何首烏

羌活

獨活 各一兩

共為細末酒打麴糊為丸如梧桐子大每服六七
十丸溫酒送下日用二服

方歌

磨風丸 蒼朮麻黃蒼細芎歸荆蔓防車威天麻何

羌獨追風服後用此方

類聚祛風散

硫黃

寒水石

枯白礬

貫衆 各二兩

蛇床子

一兩

朴消

五錢

共研細末臘月豬脂搗爛調敷

方歌 類聚祛風散硫黃寒水枯礬消蛇床貫衆細研豬

脂搗耑搽徧體癰風瘡

醉仙散

牛蒡子

炒

胡麻

枸杞子

蔓荊子 各一兩

苦參

白蒺藜

防風

花粉 各五錢

共研細末每服一錢加輕粉一分二釐研勻茶清調服晨午晚各一服五七日後先於牙縫內出臭黃涎渾身疼悶如醉然後利下膿血惡物臭氣病根乃去矣

方歌
醉仙上部癰風重牛蒡胡麻枸蔓荊苦參蒺藜防

花粉服加輕粉用茶清

通天再造散

大黃

一兩煨

皂角刺

一兩五錢

鬱金

五錢

白牽牛

六錢頭末半生半炒

共研細末每服二錢或三錢早晨面東醇酒調下
當日利下惡物或膿或蟲為效

方歌

通天再造治癰風敗證先從下部攻鬱金大黃牽

牛刺晨服酒調面向東

換肌散

烏稍蛇

白花蛇

蚯蚓

各一兩
去土

細辛

木鱉子

白芷

天麻

連莖者

赤芍

蔓荊子

當歸

威靈仙

荊芥穗

甘菊花

不灰木

紫參

苦參

沙參

何首烏

石菖蒲

木賊

天門冬

去心

川芎

白蒺藜

甘草

炙

胡麻仁

蒼朮

米泔水浸炒

草烏

各三錢五分
湯泡去皮

共研細末每服五錢溫酒調下酒多更妙紫參不

灰木雖無亦可

方歌

換肌散治大風瘡毒攻眉脫壞鼻梁烏稍白花蛇

蚓細鱉芷天麻芍蔓當威靈荊菊不灰木紫苦沙
參何首菖木賊天冬芍蒺藜草胡麻蒼朮草烏強

補氣瀉榮湯

連翹

去心

升麻

各六分

桔梗

五分

黃芩

生地

各四分

黃連

蚯蚓

酒炒去土

當歸

黃耆

蘇木

全蠍

各三分

人參

白豆蔻

各二分

甘草

生一分

水二鍾酒一鍾煎至一鍾去渣又用胡桐淚一分

水蛭炒虫蟲各三箇炒麝香五釐桃仁三箇研泥

共為細末入藥湯內煎至七分飯後服之

方歌補氣瀉滯榮癘虛宜苓連參桔蚓歸耆蘇地升蠍翹

寇草桐淚蛭蚘麝桃泥

何首烏酒

何首烏

四兩

當歸身

當歸尾

穿山甲

炙

生地黄

熟地黄

蝦蟆

各一兩

側柏葉

松鍼

五加皮

川烏

湯泡去皮

草烏

各四錢
湯泡去皮

將藥入夏布袋內紮口用黃酒二十觔同藥袋入
罈內封固重湯煮三炷香埋罈七日開罈口取酒
時時飲之令醺醺然作汗避風


方歌

何首烏酒大風疾歸甲松鍼生熟地側蠓五加川
草烏酒煮滋榮毒自息

萬靈丹

見腫
瘍門

楊梅瘡圖



楊梅瘡

楊梅瘡生有二般精化氣化是其源精化淫慾氣傳染氣宜發汗精下痊

註

此證一名廣瘡因其毒出自嶺南一名時瘡以時氣乖變邪氣湊襲之故一名棉花瘡因其纏綿不已也一名翻花楊梅因窠粒破爛肉反突於外如黃蠟色一名天泡瘡因其夾濕而生白皰也有形如赤豆嵌於肉內堅硬如鐵名楊梅痘有形如風

疹作癢名楊梅疹先起紅暈後發斑點者名楊梅
斑色紅作癢其圈大小不一二三相套因食穢毒
之物入大腸而發名楊梅圈其名形雖異總不出
氣化精化二因但氣化傳染者輕精化慾染者重
氣化者或遇生此瘡之人鼻聞其氣或悞食不潔
之物或登園受梅毒不潔之氣脾肺受毒故先從
上部見之皮膚作癢筋骨微疼其形小而且乾也
精化者由交媾不潔精泄時毒氣乘肝腎之虛而

入於裏此為慾染先從下部見之筋骨多痛或小
水澀淋瘡形大而且堅氣化者毒在表未經入裏
稍有萌動宜急服透骨搜風散元氣實者楊梅一
劑散汗之精化者毒在裏深伏骨髓未透肌膚宜
服九龍丹通利大小二便以瀉骨中之毒甚者二
服降下毒物以土深厯之行瀉之後體實者升麻
解毒湯體虛者歸靈內托散服至筋骨不疼瘡色
淡白內毒已解再用金蟾脫殼酒一料掃餘毒以

絕其源如梅毒初發服表藥時恐上攻頭面宜豫服護面散或瘡勢已發於面愈後斑痕不退宜翠雲散點之以滅痕跡若梅毒潰爛時膿穢浸淫成片而痛者以鵝黃散撒之又翻花楊梅亦以本方加雄黃末香油調敷之外有護從丸於發瘡時令侍從人服之可免傳染梅毒瘡初起頭不痛筋骨不疼小水通利瘡形碎小色鮮頭面稀少口角無瘡胸背稠密穀道清楚者為順若先發下疳次生便

毒魚口便覺筋骨疼痛而梅瘡隨發色紫堅硬手足多生形如湯潑起皴者為險總之始終調治得法輕者半年重者一載始得全愈若患者不遵正法醫治欲求速效強服輕粉水銀白粉霜劫藥等類妄用熏擦哈吸等法以致餘毒含藏骨髓復為倒發結毒輕則累及妻子甚則腐爛損形不可不慎

透骨搜風散

透骨草

白花者
陰乾

生脂麻

羌活

獨活

小黑豆

紫葡萄

槐子

白糖

六安茶

核桃肉

各一錢五分

生薑三片紅棗肉三枚水三鍾煎一鍾露一宿空

心熱服被蓋出汗避風

方歌

透骨搜風散梅毒筋骨微疼癢皮膚脂麻羌獨豆

葡萄槐子糖茶核桃肉

楊梅一劑散

麻黃

一兩
蜜炙

威靈仙

八錢

大黃

七錢

羌活

白芷

皂刺

金銀花

穿山甲

炙研

蟬蛻

各五錢

防風

三錢

山羊肉一觔河水煮熟取清湯二盃用黃酒一盃

將藥煎至一盃令患者空心將羊肉淡食令飽隨
後服藥蓋被出汗避風

方歌

楊梅一劑元氣壯上部生毒氣化瘡麻黃羌芷威

升麻解毒湯

升麻

皂刺 各四錢

土茯苓 一觔

水八盃煎四盃作四次一日服盡每次炖熱加香

油三茶匙和勻量病上下食前後服之如瘡生項

上加白芷

咽內加桔梗

胸腹加白芍

肩背加羌活

下部加牛膝

方歌升麻解毒筋骨疼梅毒纏綿壯服靈土苓皂刺香

油服按部須加藥引經

歸靈內托散

人參

木瓜

白朮

土炒

金銀花

防已

天花粉

白鮮皮

薏苡仁

各一錢

當歸

熟地

白芍

酒炒

川芎

各一錢

土茯苓

二兩

威靈仙

六分

甘草 五分

水三鍾煎二鍾作二次隨病上下服之渣再煎服
下部加牛膝五分

元氣虛者倍加參歸

毒氣盛者倍金銀花加蒲公英

外以麥冬五錢去心薏苡仁五錢土茯苓一兩煎
湯常服以代茶

方歌
歸苓內托參木瓜木銀四物已天花土苓鮮薏威

靈草梅瘡體弱服堪誇

金蟬脫殼酒

醇酒五觔大蝦蟆一箇土茯苓五兩浸酒內瓶口封
嚴重湯煮二炷香時取出待次日飲之以醉為度無
論冬夏蓋煖出汗為效飲存之酒次日隨量飲之酒
盡瘡愈又治結毒筋骨疼痛諸藥不效者更妙服酒
七日後禁見風為效忌口及房慾

護面散

女人頭髮

煨存性

明雄黃

各三分

共研細香油半酒鍾調勻滾黃酒冲服一日三服

方歌

護面散醫梅瘡現豫服毒不攻頭面香油調藥黃

酒冲只用雄黃頭髮煨

翠雲散

輕粉

一兩

石膏

一兩煨

膽礬

銅綠

各五錢

共研極細末濕瘡乾撒乾瘡以公豬膽汁調濃點

之每日三次斑痕自退

方歌

翠雲散去瘡後斑輕粉石膏共膽礬銅綠共研濕

乾撒豬膽汁調能潤乾

鵝黃散

輕粉

石膏

煨

黃蘗

各等分
炒

共為末乾撒患處即可生痴再爛再撒毒盡即愈

方歌

鵝黃散治梅瘡爛膿穢多疼浸成片輕粉石膏黃

藥研乾撒止疼解毒驗

護從丸

雄黃

川椒 各五錢

杏仁

一百粒
炒去皮尖

共研末燒酒打飛羅麵糊為丸如梧桐子大每服
十五丸白滾水送下

方歌 護從丸避梅瘡患雄黃川椒各五錢杏仁百粒酒

糊入從人服之毒不傳

九龍丹

見下部
懸癰

楊梅結毒圖

楊梅結毒形狀破頭爛眼蝕鼻或肩肘腿脛腐爛



楊梅結毒

結毒楊梅毒結生原於誤服劫藥成日久逢虛始倒發
腦鼻喉目任蝕攻

註

此證因生楊梅方熾誤服水銀升煉悍燥劫藥希
圖速效瘡痂盡落一時僥倖而愈不知遺害久遠
引毒潛藏骨髓關竅之中其毒積久因經虛外攻
故名結毒倒發其始先從筋骨疼痛隨處結腫皮
色如常將爛時色方紫紅腐臭不堪以致腦頂塌

陷腮脣鼻梁損壞穿喉蝕目手足拘攣等患終成
痼疾初起結腫筋骨疼痛時宜服搜風解毒湯若
偏身破爛臭穢而兼筋骨疼痛氣實毒盛者宜服
化毒散氣衰者豬脰子湯主之若結毒腫塊經年
難愈諸法罔效者宜西聖復煎丸主之若結毒攻
於口鼻者宜五寶散主之年久臭爛鼻破損壞者
宜服結毒紫金丹若入巔頂頭痛如破者內服天
麻餅子鼻吸碧雲散若鼻塞不通宜吹通鼻散甚

效毒攻咽喉腐爛臭蝕者宜服硫黃不二散兼吹
結毒靈藥兌人中白若結毒筋骨疼痛朝輕夜重
喜熱手按揉者係犯寒涼宜鉛回散主之結毒臭
爛不斂宜貼解毒紫金膏兼撒結毒靈藥壯實者
以解毒為主虛弱者以兼補為法以上之證各隨
次第如法調治重者一年輕者半年自然可痊永
無後患慎勿妄求速效以自貽誤也

搜風解毒湯

土茯苓

一兩

白鮮皮

金銀花

薏苡仁

防風

木通

木瓜

各五分

皂角子

四分

水二鍾煎一鍾服之一日三服

氣虛加人參七分

血虛加當歸七分

忌清茶牛羊雞鵝魚肉燒酒房慾等件

方歌 搜風解毒湯倒發初腫拘急骨痛加土苓白鮮銀

花薏皂角防風通木瓜

化毒散

生大黃 一兩

穿山甲 炙

當歸尾 各五錢

白殭蠶 三錢炒

蜈蚣 一條炙黃

共研末每服二錢溫酒調下一日二服

方歌 化毒散醫結毒盛破穢氣實筋骨疼大黃山甲殭

歸尾蜈蚣研末酒調成

豬脰子湯

豬脰子

一兩
切碎

黃耆

鹽水炒

金銀花

各三錢

當歸

白芍

各一錢五分
酒炒

天花粉

貝母

去心研

穿山甲

炙研

白鮮皮

青風藤

白芷

木瓜

皂刺

甘草節 各一錢

黃枯萇

一箇連仁研爛

防己

七分

鼈虱胡麻

二錢炒研

白色土茯苓四兩河水四大盞煎湯三盞去滓將

羣藥入湯內煎一大盞通口服胃弱者分為二服

日三服

方歌

豬脰湯治結毒虛歸芍天花萇貝耆胡麻銀甲鮮

藤芷木瓜已刺草苓宜

西聖復煎丸

乳香

沒藥

孩兒茶

丁香 各一兩

血竭

阿魏

白花蛇 各四錢

飛羅麵 一觔
炒焦黃色

共研細煉蜜六兩煎滾香油四兩大棗肉二十枚
搗膏共和為丸如彈子大每服一丸土茯苓二兩
水二鍾煎至一鍾將藥丸入內再煎至半鍾澄去

渣溫服

方歌

西聖復煎丸結毒腫塊經年服自無乳沒兒茶丁

血竭阿魏白蛇麴炒胡

結毒紫金丹

龜板

放炭火上炙焦用白酒漿塗之再炙以焦黃為度研末二兩

硃砂

六錢

石決明

六錢用九孔大者煨紅童便淬一次

各研極細末共和勻爛米飯為丸麻子大每服一

錢量病上下食前後服之筋骨疼痛酒下腐爛者

土茯苓湯下

方歌

結毒紫金丹龜板石決硃砂米飯丸年久毒攻鼻
損破土苓湯服臭爛痊

天麻餅子

天麻

薄荷

甘松

白附子

去皮

白芷

蒼朮

米泔水浸炒

川芎

川烏

湯泡去皮

草烏

湯泡去皮

防風

細辛

甘草

各一錢生

雄黃

全蠍

各三錢

右為細末寒食麵打糊為丸如豌豆大捻作餅子
每服二三十餅蔥白煎湯送下

方歌

天麻餅子薄甘松雄黃白附芷蒼芎川草烏蠍防

細草結毒攻巔頭痛平

通鼻散

壺盧殼

燒灰

石鍾乳

膽礬

冰片 各等分

共為末吹入鼻內出黃水日吹二三次三二日即通

方歌通鼻散吹結毒證毒塞鼻中息不通石鍾乳與胡

盧殼膽礬冰片等分同

硫黃不二散

硫黃 一錢

靛花 一分

共研細用凉水一酒鍾調服

方歌 硫黃不二毒攻喉腐臭爛蝕痛不休凉水調服疼

立止靛花少兌不須憂

結毒靈藥

水銀 一兩

硃砂

硫黃

雄黃 各三錢

共研細入陽城礬內泥固鐵盞梁兜固緊封口其
火候俱按紅升丹之煉法火畢次日取出盞底靈

藥約有一兩五六錢治尋常腐爛之證靈藥五錢
輕粉五錢同研細小確盛收以紗封之臨用時甘
草湯洗淨患處將確倒懸紗眼內篩藥患上油紙
蓋之男婦咽喉爛者靈藥一錢加人中白二分研
細吹之日用三次

方歌

結毒靈藥化腐方水銀硃砂硫雄黃共研入罐用
泥固兜緊火昇三炷香

鉛回散

黑鉛

半觔銅杓化開傾入水中取起再化再傾以鉛化盡為度澄去水將鉛灰傾在三重紙上下用

灰收乾水氣鉛

灰日中曬乾

硫黃

各等分共研細每服一錢溫酒調服至重者不過

三次即效

方歌

鉛回散療筋骨痛寒觸結毒夜間重鉛化成灰兌

硫黃每服五錢酒調送

五寶散

方見下部
疳瘡

碧雲散


方見頭部頭風
傷目

結毒紫金膏

方見脛部
膝瘡

赤白遊風圖

赤白遊風形如雲片中起粟粒



赤白遊風

赤白遊風如粟形浮腫焮熱癢兼疼表虛風襲怫鬱久血赤氣白熱化成

註

此證發於肌膚遊走無定起如雲片浮腫焮熱痛癢相兼高累如粟由脾肺燥熱而兼表虛腠理不密風邪襲入怫鬱日久與熱相搏則化熱益盛而成滯於血分者則發赤色滯在氣分者則發白色故名赤白遊風也初俱宜荊防敗毒散疎解之赤

者次服四物消風飲白者次服補中益氣湯加防
風蟬蛻殭蠶生何首烏治之初俱用牛肉片貼之
豬羊俱可遊走太速者砭之定停者以真君妙貼
散鷄子清調敷其看順逆之法與丹毒門參考忌
魚腥鷄鵝動風燥血之物犯則難愈

四物消風飲

生地 三錢

當歸 二錢

荊芥

防風 各一錢五分

赤芍

川芎

白鮮皮

蟬蛻

薄荷

各一錢

獨活

柴胡

各七分

紅棗肉二枚水二鍾煎八分去渣服

方歌

四物消風飲調榮血滋風減赤色平荆防鮮蟬兼

獨活柴薄紅棗水煎濃

荆防敗毒散

見項部
腦疽

補中益氣湯

見潰瘍門

真君妙貼散

見腫瘍門

紫白癩風圖

紫癩風發在偏身色紫暗斑



白癩風發在偏身粉紅斑中有白點

紫白癰風

紫白癰風無癢痛白因氣滯紫血凝熱體風侵濕相搏
毛竅閉塞發斑形

註

此證俗名汗斑有紫白二種紫因血滯白因氣滯
總由熱體風邪濕氣侵入毛孔與氣血凝滯毛竅
閉塞而成多生面項癰點游走延蔓成片初無痛
癢久之微癢初起宜萬靈丹汗之次以胡麻丸常
服外用蜜陀僧散擦患處令汗出風濕自解古今

治法雖多取效甚少得此證者當忌魚腥煎炒火

酒動風發物

胡麻丸

大胡麻

四兩

苦參

防風

石菖蒲

威靈仙

各二兩

白附子

獨活

各一兩

甘草

生五錢

右為細末白酒漿和丸如菴豆大每服二錢形瘦

者一錢五分食後臨臥白滾水送下

方歌

胡麻丸治紫白癰除去風濕不致延苦參白附防

風草菖蒲獨活威靈仙

蜜陀僧散

雄黃

硫黃

蛇床子

各二錢

蜜陀僧

石黃

各一錢

輕粉

五分

共研末醋調搽患上

方歌蜜陀僧散風濕患入腠成癥紫白斑雄硫輕粉蛇


床子石黃共末醋搽痊

萬靈丹

見腫瘍門

白 駁 風 圖

白駁風初生面項出白癰點甚則延及偏身



白駁風

白駁風生面頸間風邪相搏白點癰甚延徧身無痛癢
治宜消風塗脂痊

註

此證自面及頸項肉色忽然變白狀類癰點並不
癢痛由風邪相搏於皮膚致令氣血失和施治宜
早若因循日久甚者延及徧身初服浮萍丸次服
蒼耳膏外以穿山甲片先刮患處至燥痛取鰻鱺
魚脂日三塗之一方取樹孔中水溫洗之洗後搗

桂心牡蠣等分為末面油調塗日三夜一俱效

浮萍丸

紫背浮萍

取大者洗淨曬乾

研細末煉蜜為丸如彈子大每服一丸豆淋酒送下

豆淋酒法

黑豆半升炒烟起冲入醇酒三觔浸一日夜去豆用酒送藥

方歌浮萍丸治白駮應曬乾紫背大浮萍蜜丸彈狀豆

酒服專能發表散邪風

蒼耳膏

蒼耳

鮮者連根帶葉取
五七十觔洗淨


切碎入大鍋內煮爛取汁絹濾過再熬成膏磁罐
盛之用時以桑木匙挑一匙噙口內用黃酒送下
服後有風處必出小瘡如豆粒大此風毒出也刺
破出汁盡即愈忌豬肉

方歌

蒼耳風邪侵皮膚氣血失和白駁生連根帶葉鮮
蒼耳洗淨熬膏酒服靈

癰瘍風圖

癰瘍風生在頸項胸腋起紫白點點相連



癰瘍風

癰瘍風從皮膚生頸項胸腋無癢疼紫白點點不開大皮膚風邪熱結成

註

此證發於皮膚多生頸項胸腋其色紫白點點相連亦無癢疼較白駁形圓不延蔓開大由風邪鬱熱皮膚居久不散而成斯疾宜服烏蛇散外用羊蹄草根共硫黃蘸醋於綉鐵片上研濃汁日塗二三次效

烏蛇散

烏蛇

三兩
酒浸

羌活

防風

黃芩

苦參

各二兩

人參

沙參

丹參

元參

梔子仁

生

桂心

秦艽

木通

犀角屑

白蒺藜

升麻

枳殼

麩炒

白鮮皮

川芎

各一兩

共研細末每服二錢食遠溫酒調服忌雞豬魚蒜
麵食熱物之類


方歌

烏蛇瘰癧風熱淫羌活防風芎五參
梔桂秦芎通

犀角蒺藜升枳白鮮苓

丹 毒 圖

丹毒發在偏身形如雲片色如燕脂



丹毒

丹毒名多雲片形風火濕寒肉分凝胸腹四肢分順逆
清火消風砭敷靈

註

孫真人云丹毒一名天火肉中忽有赤色如丹塗
之狀其大如掌甚者徧身有癢有痛而無定處丹
名雖多其理則一也形如鷄冠名鷄冠丹若皮澀
起如麻豆粒者名茱萸丹亦有水丹徧身起皰遇
水濕搏之透露黃色恍如有水在皮中此雖小疾

能令人死須當速治不可忽也色赤者諸書謂之赤遊丹色白者為水丹小兒多生之但有乾濕癢痛之殊有夾濕夾風夾寒之別諸丹總屬心火三焦風邪而成如色赤而乾發熱作癢形如雲片者即名赤遊丹屬血分有火而受風也毒盛者服藍葉散毒輕者宜導赤湯加薄荷葉獨活服之如初起白癰漸透黃色光亮脹隆破流黃水濕爛多痛者名水丹又名風丹多生腿膝屬脾肺有熱而夾

濕也宜防已散主之亦有起白癰無熱無痛遊走不定者由火毒未發肌膚外受寒鬱名為冷瘡宜服烏藥順氣散外用薑擦凡丹形初見即用牛羊精肉片貼之甚則用砭法令出紫血色重不散者以柏葉散敷之又方芸薹葉研末靛青調敷甚效諸丹本於火邪其勢暴速自胸腹走於四肢者順從四肢攻於胸腹者逆

藍葉散

藍葉

曬乾

川芎

赤芍

知母

生地

白芷

川升麻

柴胡

葛根

杏仁

炒去皮尖

甘草

各一錢
生

石膏

五分
煨

共搗粗末每用八錢新汲水二鍾煎八分去渣服
熱甚加黃芩元參

方歌

藍葉散却赤遊丹皆因血熱風邪纏芎芎知膏生

地芷升麻柴葛杏梔甘

防已散

防已 三兩

朴消 一兩

犀角

鎊

川芎

黃芩

黃耆

川升麻 各一錢

共搗粗末每用五錢加竹葉三十片新汲水二鍾

煎八分服

方歌防已丹毒始白癰漸黃亮痛濕熱原朴消犀角芎

芩共耆與升麻竹葉煎

烏藥順氣散

烏藥

橘紅 各二錢

枳殼

麩炒

白芷

桔梗

防風

僵蠶

炒

獨活

川芎 各一錢

甘草 五分
生

水二鍾生薑三片煎八分服

方歌 烏藥順氣枳橘紅芷桔風殭獨草芎冷瘕遊行無

熱痛因毒未發受寒風

導赤湯 見口部
口糜

柏葉散 見腰部
經腰火丹

粟

瘡

圖

粟瘡生在偏身形如紅粟作瘡



粟瘡作癢

粟瘡癢證屬火生風邪乘皮起粟形風為火化能作癢
通聖苦參及消風

註

凡諸瘡作癢皆屬心火火邪內鬱表虛之人感受
風邪襲入皮膚風遇火化作癢致起瘡瘍形如粟
粒其色紅搔之愈癢久而不瘥亦能消耗血液膚
如蛇皮初服防風通聖散加枳殼蟬蛻血燥遇晚
癢甚夜不寐者宜服消風散外敷二味拔毒散若

年深日久膚如蛇皮者宜常服皂角苦參丸外用
豬脂油二兩苦杏仁一兩搗泥抹之自效

皂角苦參丸

苦參

一觔

荊芥

十二兩

白芷

大風子肉

防風

各六兩

大皂角

川芎

當歸

何首烏

生

大胡麻

枸杞子

牛蒡子

炒

威靈仙

全蠍

白附子

蒺藜

炒去刺

獨活

川牛膝

各五兩

草烏

湯泡去皮

蒼朮

米泔水浸炒

連翹

去心

天麻

蔓荊子

羌活

青風藤

甘草

杜仲

各三兩
酥炙

白花蛇

切片酥油炙黃

縮砂仁

各二兩
炒

人參

一兩

共研細末醋打老米糊為丸如梧桐子大每服三四十丸溫酒食前後任下避風忌口為要

方歌

皂角苦參粟瘡癢久似蛇皮膚難當芎歸何首胡

麻芷大風枸杞草烏蒼翹茅威靈蠟白附蒺藜天

麻獨蔓羌白蛇風藤甘杜仲人參牛膝縮荊防

防風通聖散

見頭部
禿瘡

消風散

見項部
鈕扣風

二味拔毒散

見腫
瘍門

枯筋箭圖



枯筋箭又名肱子初如赤豆

枯筋箭

枯筋箭由肝失榮筋氣外發赤豆形破突筋頭如花蕊
或繫或炎便成功

註

此證一名眇子由肝失血養以致筋氣外發初起
如赤豆枯則微槁日久破裂鑽出筋頭鬢鬆枯槁
如花之蕊多生於手足胸乳之間根蒂細小者宜
用藥線齊根繫緊七日後其患自落以月白珍珠
散摻之其疤收斂根大頂小者用銅錢一文套眇


子上以草紙穰代艾連灸三壯其患枯落脫形若
大用草紙蘸濕套在脫上灸之

藥線

見腎部
痔瘡

月白珍珠散

見潰
瘍門



御纂醫宗金鑑卷七十三